

三經同卷

佛說勝軍王所問經

佛說輪王七寶經

佛說園生樹經

佛說勝軍王所問經

西天譯經三藏朝奉奏試鳴應傳法師臣施護奉

詔譯

(2)

如是我聞一時佛在舍衛國祇樹給孤獨園與大苾芻衆千二百五十人俱是時有憍薩羅國勝軍大王其王尊貴有大威德富饒自在所居國王境界廣遠為一切人所共尊敬其王福德久於佛法生大信重是時大王即乘寶車與諸臣從及無數百千婆羅門長者等而共圍遶以諸音樂而導其前出舍衛國詣祇樹給孤獨園佛世尊所恭敬供養聽受正法尔時大王既出城已漸向祇園其王即時遠見世尊於一樹下安詳而坐諸苾芻衆而共圍遶時王見已生大歡喜深信尊重下車去蓋合掌曲躬遙伸讚歎佛身廣大猶若

卷七

金山佛身端嚴殊妙無比有大光明如百千日吉祥熾盛猶大火聚諸根調寂住奢摩他衆德莊嚴具波羅密三十二相八十種好圓滿具足為人中龍人中師子人中大仙人中勝者於世間中如寶山現是時大王既讚歎已徒步而進到佛所已頭面著地禮世尊足

持以寶冠寶蓋寶劍寶珠寶莊華屣如是等物奉上世尊作如是言惟願世尊受我所施是時世尊即為納受其王即復禮世尊足退住一面合掌恭敬而白佛言世尊願佛慈悲為說法要使我長夜得大利樂

尔時世尊而讚王言善哉善哉大王汝於如來深信尊重於佛正法愛樂趣求純善相應是大賢者如汝所言樂聞法要汝當諦聽如善依意記念修習為汝宣說佛言大王汝統大國為人民主常以正法而行治化於諸非法捨而不行何以故大王當知若王及臣弃背正法行非法者於現世中人所輕謗乃至

身壞命終不生勝處若王及臣捨離非法行正法者於現世中人所無讚乃至身壞命終生天界中受勝果報富樂自在天人愛敬大王譬如世人生育一子父母憐愛猶如珍寶多設方便常令快樂其子長大亦生孝敬王心慈愛亦復如是一切人民皆如一子王所

卷七
二

愛念猶如父母常以四法而為攝化所謂布施愛語利行同事常行如是四種法故一切人民皆悉歸伏王以慈心觀諸人民既如子想彼一切人亦復於王如其父母又如有人於其夢中見種種事所謂江河泉池園林華果街巷道陌處處莊嚴清淨適悅人所愛樂如是等事既夢覺已都無所有諸世間法亦復如是皆悉如夢竟無其實如汝大王為人中主受三種樂所謂富樂欲樂自在樂統大國城多諸所有象馬車乘金銀珍寶庫藏諸物乃至后妃眷屬諸臣僕等其數甚多富貴熾盛而無等比如是富貴雖多所有不以為

勝何以故為顛倒法勞役其心增諸煩惱大王當知此等皆是無常滅法是不堅牢而不究竟如水聚沫而無其實是故大王於如是事如實了知於世間法常所覺了離諸煩惱修出世行又世間法如一大樹沃潤其根即生枝葉枝葉繁茂即能開華開華非久乃結果實果實成熟色香美妙人皆愛樂其樹忽為大火所焚四面俱熾紅焰光明映蔽日月四方上下香一大光其可愛樹悉無所有唯火光現而彼火光非久即為大雨所滅雲雷掣電交映而出是時火聚悉無所有唯彼大雨連霪不息其雨非久亦復停止大王當知

卷七
三

如前所說諸世間法亦復如是剎那壞滅竟無其實如王所統雖復廣大積諸所有剎那壞其義亦然是故大王於無常法莫生常住想於有盡法莫作無盡想念念思惟無常來侵捨世間法離諸所著修出世行增益善根大王又如四方有四大山從空而來彼山高

廣一一堅牢壘於闇浮而此地中所有一切草木叢林皆悉摧滅而無有餘彼有力者不能爲救大王此諸世間有四大怖而來逼迫亦復如是一切衆生無所逃避有大力者不能爲救四怖者何一者邪行怖二者老怖三者病怖四者死怖大王邪行若生壞滅正行老怖若來壞少年相病怖若來壞安藥法死怖若來壞滅壽命大王又如師子爲獸中王若入獸群取一獸食彼所取獸何能逃避入師子腹滅無有餘大王無常大力於諸衆生亦復如是大王諸世間人將趣命終先染病苦如中毒箭氣力劣弱筋骨肢節皆悉疼痛

善業微出其聲告父母言我今大怖惡境現前壽命將斷父母爲我作諸利益施佛及僧願垂救護如是言已於剎那間其命即斷此處既謝他處復生隨自作業受諸果報大王當知世間衆生若善不善若勝若劣從自因生果無所失作善業者是所歸趣是所依怙臨命終時不生怖畏此處緣謝生於他處受勝果報是故大王汝今應當捨世間法離諸染著修出世行趣善法門於念念中作無常想若如是者於善法中乃名精進
復次大王如世間人入大火衆須以方便即能息滅處熱惱中須假清涼而方醒寤受飢渴時假以飲食方能救濟染病苦時假以良藥即能除愈於危難中得有力者諸善知識業境現在其前生大怖畏無所依怙誰爲救者父母眷屬徒共圍繞名醫良藥不能爲療戰陣時須被勇猛堅固鎧甲方得戰勝於一切處無依無怙孤獨苦惱得其親友方爲依止大王出世善法亦復如是於諸世間同彼

卷七

四

皮肉乾枯手足戰動穢惡流溢眼耳鼻舌身等諸根不能發識諸境不現唯見自造不善業境現在其前生大怖畏無所依怙誰爲救者父母眷屬徒共圍繞名醫良藥不能爲療戰陣時須被勇猛堅固鎧甲方得戰勝於一切處無依無怙孤獨苦惱得其親友方爲依止大王出世善法亦復如是於諸世間同彼

上說飲食良藥親友等類能爲依止能爲救護大王若人不修出世善法都無所託臨命終時自生怖畏誰爲救者捨此報已自受其苦誰爲拯拔以是事故我如實說大王速疾於世間法捨諸常見作無常想捨堅執見作破壞想如水聚沫而無其實當念修行出世善法自所作已轉勸他人如是乃得於善法中名爲精進大王當觀自身無有少樂可得雖復具有種種上味精妙飲食而爲資養未曾一時有飢渴失如是暫能資持命根彼壽報盡即時散壞歸無常法大王復觀自身雖有種種上妙寶衣衆莊嚴具乃至種種庫藏諸物無所乏少象馬車步四兵具足其數甚多無與等者彼壽報盡悉歸無常

復次大王如世間人有大財富於日日中潔淨澡沐香油塗身復以諸妙上服莊嚴衆妙華鬘及彼真珠瓔珞耳璫環釧如是等物而嚴飾已處於寶座富貴自在威德特尊與諸

卷七

五

眷屬而共圍遶奏百千種殊妙音樂妙寶樓閣處處皆爇旃檀沉水等諸妙香常有百千内外親族恭敬讚歎雖復如是富貴自在壽報盡時即生苦惱一切眷屬徒共圍遶悲惱啼泣當於余時一切所有不能守護既命盡已內外親屬所共圍遶至屍陀林所有遺體各各離散皮肉筋骨分其異處有諸蟲鳥而來啄食彼食盡已此虛妄身悉無所有大王以是緣故諦觀世間如水聚沫有何堅實以是無常不究竟法起常想者是爲顛倒諸有漏法念念壞滅我觀是事深可悲愍是故大王當須速捨諸世間法常念修行出世間法何以故大王當知彼生滅法皆由無明爲因緣故所謂無明緣行行緣識識緣名色名色緣六處六處緣觸觸緣受受緣愛愛緣取取緣有有緣生生緣老死憂悲苦惱如是即一大苦蘊集若無明滅即行滅行滅即識滅識滅即名色滅名色滅即六處滅六處滅即觸

滅觸滅即受滅受滅即愛滅愛滅即取滅取滅即有滅有滅即生滅生滅即老死憂悲苦惱滅如是即一大苦蘊滅是故生滅相續輪轉無有窮盡皆是無明爲因生故由此即有貪等諸法若滅無明貪等不生貪等既滅正行得起離諸過失此即名爲出世間法

復次大王世間一切所緣境界若得若失若決定不決定若可愛不可愛貪心生起無所取足是爲大失若於聖道出世間法愛樂希求無取足者乃爲正行是大利益尔時世尊說伽陀曰
大王今當知
彼死法極惡能斷人壽命

及破壞諸蘊
彼死法若來
深穴與高山
唯諸有智者
一切不能壞
廣修衆善因
勤行諸梵行
斯爲大怖畏
普偏於一切
虛空并大海
大地及諸方
安住真實法
即堅固無動
壽報未盡時
當發大精進

得至涅槃界至涅槃界已能遠離死怖
尔時憍薩羅國勝軍大王聞佛世尊以諸方便善巧譬喻說妙法已歡喜踊躍恭敬讚歎
頂禮佛足迴復王宮
佛說此經已諸大苾芻衆聞佛所說皆大歡喜信受奉行

佛說勝軍王所問經

佛說輪王七寶經

西天譯經三藏朝摹委譯鴻臚卿傳法大師臣施護奉詔譯

如是我聞一時佛在舍衛國與大苾芻衆俱
是時佛告諸苾芻言汝等當知有利帝利大灌頂王已受灌頂得輪王位威德自在人所尊重出現世間其王出時有七寶現何等爲七所謂輪寶象寶馬寶主藏臣寶主兵臣寶摩尼寶女寶如是七寶隨王出現何名輪寶所謂千輻金輪最上殊妙諸相圓滿有大威